

landi materiae, totuplex etiam debet esse causalitas, per quam materia constituitur causa in actu secundo: Sed una & simplex tantum est ratio causandi materiae, nempe potentia passiva. E. una & simplex etiam sit oportet causalitas illius. Verum respondemus negando Majorem, quia una *potentia passiva* sufficit ad utramque *causalitatem materiae*. Sic enim ratione *potentiae passivae & forma* educitur ex materia, & eadem inesse suo à materia dependet, & *compositum* fit vel producitur.

XXI.

De materia porrò unicam adhuc quæstionem examinabimus; *utrum scilicet Materia sit vera aliqua causa?* Materiam esse veram *causam* sufficienter probatur inde, quod ea verum & positivum influxum præbet in materiatum seu compositum. At illi influxui nihil deest, quod ad veram causalitatem requiritur: Cuiuscunque autem convenit causalitas, id utique causa est. Hinc ita datur nobis argumentari. Quicquid verum præstat influxum in aliud, est vera causa. Atqui materia præstat verum influxum in aliud E. Major est clara. Minor probatur, quia materia primo præstat verum influxum in formam materialem, quæ ex ipsa *materia potentia* educitur & non nisi à materia conservatur. Præstat deinde materia quoq; influxum in ipsum compositum, quod intrinsecè constituit. Stat ergo conclusio, materiam esse veram causam. Verum negativam defendentes sequentia in acie ponunt argumenta (1.) Quicquid est tantum potentia, illud non potest esse causa, atqui materia est tantum potentia E. nō potest esse causa (2.) Per omnem causam possumus respondere ad quæstionem *propter quid. I. Phys.* At per materiam res non dicitur esse, sed ex materia (3.) Materia ab Aristotele sæpius dicitur non ens, non autem apparet, quomodo non ens possit esse causa entis & quidem causa intrinseca, cujusmodi est materia. Antequam respondeamus ad (1.) argumentum, sciendum est; quod aliquid possit esse *potestate vel in potentia dupliciter* (1) *in potentia ad existentiam*, ut actu non existat, possit tamen existere, hæc potentia dicitur alias objectiva; hoc modo si hic sumitur falsa est tam major quam Minor. Major quidem, quia finis est potestate, quando intenditur, quo tamen non obstante finis est vera causa. Deinde Minor

nor